

БӨЛІМ: МҰҚАҒАЛИ МАҚАТАЕВ / ӨЛЕҢДЕР

Бақытым менің алыста

ЖАРИЯЛАНДЫ
22.01.2023ТІРЕК СӨЗДЕР
Мұқағали МақатаевСІЛТЕМЕ
<https://bilimger.kz/129648/>

БАҚЫТЫМ МЕНІҢ АЛЫСТА

Алданбайын арзанқол жұбанышқа,
Алданып жұбанышқа, құрақ үшпа!
Қазір менен қашықтап қуаныш та,
Әйтеуір, бір бақытым тұр алыста.
Белгісіз жетем бе оған, жетпеймін бе,
Қалам ба орта жолда жетпей мүлде?
Әйтеуір, бір бақытым тұр алыста,
Көрем бе, көгерем бе, көктеймін бе?!
Болғанмен қанша мұңым, қанша қайғым,
Іздеуден бақытымды шаршамаймын.
Өмірім, берер болсаң, ұзағынан,
Өткінші бақытты мен аңсамаймын.
Өмірім!
Сен деп келгем, сен деп келгем!
Ақ еділ арманымды теңдеп келгем.
Айырма алыстағы бақытымнан
Армандағы аңсап көрген, шөлдеп көрген
Жылдардың ұзаруда тізбектері,
Жаз өтті. бара жатыр күз де өткелі.
Қыс та өтер, қыспен бірге мен де өтермін...
Бақытым жүрсе болды іздеп мені.
Мұқағали Мақатаев

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.